

Transkription von Stadtbucheintrag SWN 1449b

Ort, Datierung: Schwerin, 1449-12-12

Signatur: Stadtarchiv Schwerin, Ältestes Stadtverlaßbuch, Abt. 11, Nr. 11743, fol. 30a

Inhalt: Clawes Hinrick Nortman: Schuldurkunde; Stoffreghensche: Schuldurkunde; Lutmer Kotendorp: Schuldurkunde; Hermannus Jegher: Nutzungsrecht; Albert Seuerin: Schuldurkunde; Hermen Lubbeken: Verpfändung; Tideke Vos: Schuldurkunde; Mester Clawes: Schuldurkunde; Hinrick Voet: Schuldurkunde; Clawes Nortman: Verpfändung

Bemerkung: 1449-1450

Ite(m) Beke(n)nen wȳ dat Clawes Hinrick ¹ Nortman is schuldich Katherinen Bernd hoppenrades / nalaten(e) wedewe vnd(e) eren erue(n) vefftich lub(esche) m(a)rk dar schal he er offte ere(n) erue(n) vor(e) gheue(n) / alle Jar veer lub(esche) m(a)rk vppe winachten vnd(e) se offte ere erue(n) scholen nyn tosegghent / hebbe(n) dat gheld wedder to esschende vt to losende Men Clawes Nortman offte de / besitter des huses schal dat hebben ey(n) half Jar tovore(n) dar settet vor tobewaringe / hopp(e)nradeschen vnd(e) ere(n) erue(n) syn hus in der ersten scrifft myt syn(er) tobehoringe sig(na)t(um) / Mccccxlix^o in p(ro)festo lucie wer(et) ok dat Nortman offte de besitt(er) des huses de re(n)the to tijde(n) / nicht vt gheuen So mach hoppe(n)radesche offte ere erue(n) de re(n)the myt dem(e) houetsu(m)me(n) afman[en] / ²

Ite(m) Stoffreghensche is schuldich Stampen x lub(esche) m(a)rk dar settet se em vor(e) ene[n] / morghen ackers belegghen by dem(e) ribenholte den acker mach he messen vnd(e) syne(n) / mess vtbuwen Sig(na)t(um) a(n)no ut s(upra) seque(n)ti die thome ³ /

Ite(m) lutmer Kotendorp is schuldich He(n)ni(n)gk Samekowen vns(es) rades Ku(m)pane / veertich lub(esche) m(a)rk dar schal he em vor(e) gheue(n) alle Jar vppe winachte(n) to re(n)the / iiij s(chilling) vnd(e) en ⁴ dre mark der sulue(n) mu(n)te vnd(e) dat to segghent is an beyde(n) side(n) / ey(n) verndel Jares to voren dar settet he em vor(e) syn hus myt syn(en) tobehori(n)ge(n) / to bewaringe in der ersten scrifft Sig(na)t(um) Anno l^{mo} ip(s)o die vince(n)tij / ⁵

Dyt is de witschop van des ackers wegghen van Enghelkeschen vnd(e) w(er)neke / parsouwen wegghen Na den Jaren gades dusent Jar vnd(e) veerhu(n)dert Jar / in dem(e) sosvndeveertegheste(n) Jare (it cetera) Dissen acker schal werneke hebben vnd(e) / seyen veer Jar vnd(e) de brede dar is vppe messet also vij røde bred , wen ik / den acker wedder hebbe(n) wil so schal ik werneken to segghen ey(n) halff Jar des / gelik w(er)neke mȳ wedder vnd(e) de brede hefft ens gedreghen na dem(e) messe / also schal jk eme wedder van my doen H(er)ma(n)n(us) Jegher auctor / ⁶

Ite(m) Albert Seuerin is schuldich Albert Alberd(es) vefftey(n) m(a)rk dar settet he em vor(e) / ene(n) morghe(n) ackers belege(n) a(m)me Kabelendale des ackers mach syck Alberd Alberd(es) / bruken den acker messen vnd(e) syne(n) mesz vtbuwe(n) Sig(na)t(um) Mcccccl^{mo} ip(s)o die g(re)gorij ⁷ /

It(em) H(er)men lubbeken hefft zettet syn hus dat he kofft hefft van Hinrik Sluter(e) / kalebernde Hans Kunkel vnd(e) pawel herne vor dat loffte dat se Hinr(ik) Slute(re) vor / dat sulue hus lauet

hebbe(n) neghest vorscriffte(n) Sig(na)t(um) ut p(ro)^{x(im)e} sup(ra) / ⁸

Tideke vos is schuldich Hans wicke(n)dorpe vefftich m(a)r(k) vnd(e) iij m(a)r(k) alle Jar ⁹ xxv m(a)rk vnd(e) xxiiij s(chillinge) dar settet he em vor(e) to bewaringe / de neddesten ende an syner breiden by dem(e) ribenholte Des ackers mach sik Hans / wickendorp bruken ene messen vnd(e) syne(n) mesz vtbuwen Mcccc l^{mo} /

It(em) Mester Claw(es) is schuldich den kundere(n) to Su(n)te Jurien twintich lub(esche) m(a)rk dar / schal he en vor(e) gheuen alle Jar twe lub(esche) m(a)rk vppe winachten dar settet he en / vor(e) to bewari(n)ge syn hus in der hu(n)destrate in der erste(n) scriff myt syn(en) tobehori(n)ge(n) /

It(em) Hinrick vôt is schuldich Curd dreghe(re) twi(n)tich lub(esche) m(a)rk dar schal he em / vor(e) gheue(n) alle jar twe lub(esche) m(a)rk dar settet he em vor(e) to bewari(n)ge / syn hus in der vilter straten vt p(ro)xi(m)e supra inf(er)ia octauas corp(ori)s (cristi) / ¹⁰

It(em) Beke(n)ne wy dat Clawes Nortman myt vulbord synes vaders hefft vorlaten / syn hus myt synem(e) acker(e) tobehoringe vnd(e) bruwvaten vor Soue(n)tey(n) m(a)rk / vnd(e) hundert lub(eschen) vnd(e) des mach sijk bernd vredesam bruken solange Clawes / id entsettet we(re) ok dat Clawes Nortman dat nicht entsetten konde so / mach bernd dat vorkopen vnd(e) is dar de(n)ne beteri(n)ge ane de schal me / de(n)ne dem(e) vader(e) tokaren Sig(na)t(um) l^{mo} i(pso) die com(m)e(m)oracion(is) an(ima)r(um) ? / ¹¹

¹ Clawes im Original durchgestrichen und über der Zeile durch Hinrick ersetzt

² gesamter Abschnitt im Original durchgestrichen, 1449-12-12

³ 1449-12-22

⁴ en im Original gestrichen

⁵ gesamter Abschnitt im Original durchgestrichen, 1450-01-22

⁶ Kopie aus dem Jahr 1446

⁷ 1450-03-12

⁸ 1450-03-12

⁹ Hans wicke(n)dorpe bis alle Jar durch Auslassungszeichen nachträglich über der Zeile eingefügt

¹⁰ gesamter Abschnitt im Original durchgestrichen, 1450-06-11

¹¹ 1450-11-02 ?